

# A-saga

\_\_\_\_\_ átti afmæli á morgun og hann gat næstum ekki sofnað af því að hann hlakkaði svo mikið til. Hann var viss um að afmælisveislan yrði alveg ofsalega skemmtileg, og að hann myndi fá fleiri afmælisgjafir en nokkru sinni fyrr. Hann sofnaði samt að lokum – en meðan hann svaf gerðist svolítið hræðilegt: Vondi galdrakarlinn var svo afbrýðissamur yfir því að enginn hefði nokkru sinni haldið afmælisveislu fyrir hann, að hann ákvað að stela öllum afmælum og öllu sem þeim tengdist. Hann sveiflaði galdrasprotanum sínum, fór með galdrapulu, og á augabragði hurfu allar afmælisgjafirnar hans \_\_\_\_\_, afmælisakakan og allur undirbúningurinn fyrir afmælisveisluna. En \_\_\_\_\_ var steinsofandi og tók ekki eftir neinu.

Daginn eftir þegar \_\_\_\_\_ vaknaði, mundi hann ekki eftir neinu afmæli. Það gerðu heldur ekki mamma hans og pabbi eða neinn annar sem hann þekkti. Þetta var ósköp venjulegur dagur – þangað til um fjögurleytið þegar allt í einu var hringt dyrabjöllunni. \_\_\_\_\_ fór til dyra og var alveg forviða þegar hann opnaði – því að fyrir utan stóð api.

"Halló, \_\_\_\_\_! Ég heiti Aggi api! Til hamingju með afmælið!" sagði apinn hressilega og rétti honum pakka sem var grunsamlega líkur banana í laginu. "Takk," sagði \_\_\_\_\_ kurteislega, þótt hann væri satt best að segja svolítið ringlaður. "En hvaða afmæli? Ég veit ekki einu sinni hvað afmæli er."

"Aha!" sagði Aggi api alvarlegur á svip. "Það

var þá akkúrat eins og mig grunaði! Vondi galdrakarlinn hefur stolið öllum afmælunum! Komdu með mér! Við verðum að fara til hans og fá hann til að skila þeim aftur!"

Þau lögðu strax af stað, og á leiðinni útskýrði Aggi api fyrir \_\_\_\_\_ hvað afmæli væru. Hann sagði honum frá því, hvernig öll börn ættu afmæli einu sinni á ári, á deginum sem þau fæddust, og að þá ætti að halda veislu með alls konar góðgæti og gefa afmælisbarninu gjafir. Vondi galdrakarlinn hafði lagt alla í álög til að fá þá til að gleyma þessu – en hann hafði gleymt að leggja líka álögin á apa og önnur dýr, og þess vegna hafði Aggi api munað eftir afmælinu hans \_\_\_\_\_, þótt allir aðrir, og meira að segja hann sjálfur, hefðu gleymt því.

Þegar \_\_\_\_\_ og Aggi api voru búnir að ganga lengi, lengi komu þeir niður að sjó. Þeir ætluðu að fara að ganga áfram eftir fjörunni, þegar \_\_\_\_\_ tók allt í einu eftir flösku sem hafði skolað upp á ströndina.

"Sjáðu Aggi, ætli þetta sé flöskupóstur?" sagði \_\_\_\_\_.

Hann greip flöskuna og tók úr henni tappann til að sjá hvort í henni væri bréf, en þá var allt í einu eins og það streymdi úr henni mikill vindur. Fyrr en varði stóð fyrir framan hann andi eins og í ævintýrunum.

"Ahh," sagði andinn og teygði sig. "Það var afskaplega gott að sleppa út úr flöskunni! Þakka þér kærlega fyrir að frelsa mig! Mig langar til að veita þér eina ósk að launum!"

\_\_\_\_\_ hugsaði sig um. Svo sagði hann: "Ég óska þess að finna leið til að fá vonda galdrakarlinn til að skila öllum afmælunum!"

"Þetta var góð ósk hjá þér!" sagði andinn. Hann rétti honum lítinn flauelspoka. "Þessi galdrapoki getur hjálpað þér. Þú getur tekið upp úr honum allt það, sem þú þarft mest á að halda."

Svo smellti hann með fingrunum, og allt í einu stóðu \_\_\_\_\_ og Aggi api fyrir utan kastala galdrakarlsins!

\_\_\_\_\_ bankaði á kastalahurðina, og galdrakarlinn kom til dyra.

"Hvað viljið þið?" spurði hann hryssingslega. "Sjáið þið ekki að ég er upptekinn?"

"Ég heiti \_\_\_\_\_," sagði \_\_\_\_\_, "og þetta er hann Aggi api. Þú ert búinn að stela afmæluum og öllu afmælisdótinu! Við viljum að þú skilir því aftur!"

"Ha, ha!" hló galdrakarlinn illgirnilega. "Svo að þú hefur komist að því. Allt í lagi – ég skal skila afmæluum. En ekki fyrr en þú ert búinn að leysa fyrir mig eina þraut. Þú þarft að láta mig fá 10 hluti sem byrja á A – og það verður að vera núna strax! Ég nenni ekki að bíða!"

\_\_\_\_\_ brosti og tók fram galdrapokann, sem andinn hafði gefið honum. Hann rétti höndina niður í hann og dró fram...

... Nú var galdrakarlinn búinn að fá alla hlutina tíu, og hann var orðinn svolítið pirraður yfir því hvað þetta hafði verið auðveld þraut fyrir hann \_\_\_\_\_. "Allt í lagi þá," sagði hann. "Þú ert búinn að leysa þrautina. En ég nenni ekki að sækja allt afmælisdótið inni í geymslu. Þú verður að sjá um það sjálfur." Svo opnaði hann fyrir hana geymsluna, en fór sjálfur inn í kastalann án þess einu sinni að kveðja.

Og hvað var það sem \_\_\_\_\_ og Aggi api fundu í geymslu galdrakarlsins?

...

Nú gátu \_\_\_\_\_ og Aggi api haldið heim á leið. Það var orðið kvöld þegar þeir komu loksins heim til \_\_\_\_\_, en afmælisveislan hans hófst um leið og hann gekk inn um dyrnar. Allir vinir hans og ættingjar voru í veislunni, og hann fékk margar og góðar gjafir. En besta gjöfin var að hann hafði eignast nýjan vin – hann Agga apa.